

BWRSARIAETH GIG CYMRU AR GYFER CYRSIAU GOFAL IECHYD

CWESTIYNAU CYFFREDIN

Medi 2022 Nid yw'r Cwestiynau Cyffredin hyn yn berthnasol i feddygaeth na deintyddiaeth.



Rhan 1. Gwneud cais am y fwsariaeth ac ymholiadau wrth astudio

Rhan 2. Recriwtio yn ystod eich blwyddyn olaf ac wrth weithio

Rhan 3. Cydymffurfio â'r Telerau ac Amodau

Rhan 4. Gwneud Cais i adolygu eich amgylchiadau.

Cyflwyniad:

Diben Cynllun Bwrsariaeth GIG Cymru yw darparu cymorth ariannol i fyfyrwyr sy'n astudio Cyrsiau Addysg Iechyd a'u cymell ar ôl cymhwyso i weithio o fewn y sector gofal iechyd yng Nghymru. Mae'r Cynllun ar gael i fyfyrwyr sydd wedi cael cynnig llefydd ar Gyrsiau Addysg Iechyd yn unol â Thelerau ac Amodau'r Cytundeb.

Yma cewch atebion i gwestiynau cyffredin am Gynllun Bwrsariaeth GIG Cymru.

Os na allwch ddod o hyd i'r ateb i'ch ymholiad yn y ddogfen hon, a bod eich ymholiad yn ymwneud â gwneud cais am Gynllun Bwrsariaeth GIG Cymru, ewch i wefan Gwasanaethau Dyfarniadau Myfyrwyr Partneriaeth Cydwasanaethau GIG Cymru (NWSSP) i gael rhagor o wybodaeth –

<https://aagic.gig.cymru/addysg-a-hyfforddiant/addysg-israddedig-ar-gyfer-gweithwyr-iechyd-proffesiynol/bwrsariaeth-y-gig/>.

Os yw eich ymholiad yn ymwneud â chydymffurfio â Thelerau ac Amodau Bwrsariaeth GIG Cymru, anfonwch e-bost at AaGIC - HEIW.bursary@wales.nhs.uk

Rhan 1. Gwneud cais am y fwsariaeth ac ymholiadau wrth astudio

NWSSP sy'n gweinyddu'r cynllun bwrsariaeth a cheisiadau. Ceir gwybodaeth fanwl am sut i wneud cais, pwy sy'n gymwys ac amserlenni ar gyfer cyflwyno ceisiadau ar eu gwefan –

<https://pcgc.gig.cymru/ein-gwasanaethau/gwasanaethau-dyfarniadau-myfyrwyr/gwybodaeth-i-fyfyrwyr/mewngofnodi-a-chwblhau-cais/>

Pa gyrsiau sy'n gymwys ar gyfer Cynllun Bwrsariaeth GIG Cymru?

Gweler *Atodiad 1* am restr o gyrsiau priodol.

Pwy sy'n gallu gwneud cais am Fwsariaeth GIG Cymru?

I fod yn gymwys am gymorth ariannol GIG Cymru, rhaid i chi gael eich derbyn am le a gyllidir gan GIG Cymru ar gwrs llawn amser neu ran-amser yng Nghymru.

Os nad wyf yn dod o'r DU, ydw i'n dal i allu gwneud cais am gyllid?

Mae dinasyddion Iwerddon a'r rhai sydd â statws preswyllo yn gymwys. Mae gwladolion yr UE sy'n dechrau ar eu cwrs cyn 01 Awst 2021 yn parhau i fod yn gymwys i gael cymorth.

Oes raid i mi fyw yng Nghymru i gael mynediad i gynllun Bwrsariaeth GIG Cymru?

Nac oes, does dim rhaid i chi fyw yng Nghymru i gael mynediad i'r cynllun bwrsariaeth. Bydd angen i chi ymrwymo i astudio yng Nghymru ar gyfer y cwrs cyfan ac i weithio yng Nghymru am gyfnod penodol ar ôl cwblhau eich cwrs.

Rwy'n dod o Gymru ac rwyf am astudio y tu allan i Gymru, ydw i'n gallu cael mynediad at Gynllun Bwrsariaeth GIG Cymru os bydda i'n ymrwymo i weithio yng Nghymru ar ôl ei gwblhau?

Dim ond i'r myfyrwyr hynny sy'n astudio yng Nghymru ac sydd wedi ymrwymo i weithio yng Nghymru ar gyfer y 'Cyfnod Gofynnol' ar ôl cwblhau'r cwrs y mae Bwrsariaeth GIG Cymru ar gael.

Os ydw i eisoes yn derbyn cyllid gan Gyllid Myfyrwyr, ydw i'n dal i allu gwneud cais am y Fwsariaeth?

Yn unol â Thelerau ac Amodau GIG Cymru, gofynnir i chi optio i mewn neu allan o'r cynllun bwrsariaeth. Os byddwch yn optio i mewn i'r cynllun bwrsariaeth, efallai y byddwch ond yn gymwys i wneud cais am y benthyciad cynhaliaeth cyfradd is drwy'r Cwmni Benthyciadau i Fyfirwyr ochr yn ochr â Bwrsariaeth GIG Cymru. Ni fydd gennych hawl i dderbyn y benthyciad myfyriwr llawn a Bwrsariaeth lawn GIG Cymru.

Os byddwch yn optio allan o'r cynllun, dylech wneud cais am y benthyciad cynhaliaeth llawn drwy'r Cwmni Benthyciadau i Fyfirwyr. Bydd angen i chi gofrestru eich penderfyniad drwy'r system Cymorth Ar-lein ar gyfer Bwrsariaethau (BOSS) fel bod gennych rif cyfeirnod unigryw (FRSL) i'w anfon at y Cwmni Benthyciadau i Fyfirwyr fel cadarnhad nad ydych yn optio i mewn i'r cynllun bwrsariaeth.

Faint alla i ei dderbyn ar gyfer Bwrsariaeth GIG Cymru?

Efallai y byddwch yn gymwys i dderbyn y cyllid canlynol bob Blwyddyn Academiaidd:

- Grant o £1000 sy'n destun Prawf Modd
- Bwrsariaeth heb Brawf Modd
- Ffioedd dysgu
- Lwfansau Ychwanegol h.y. Lwfans Dibynyddion a Lwfans Dysgu i Rieni, Lwfans Gofal Plant, Lwfans Myfyrrwyr Anabl.

Efallai y byddwch hefyd yn gymwys i gael benthyciad myfyriwr gostyngedig (yn amodol ar Reoliadau Cwmnïau Benthyciadau i Fyfirwyr)

Beth yw ystyr 'Prawf Modd' a 'Heb Brawf Modd'?

Asesir elfen Prawf Modd y Fwrsariaeth yn erbyn cyfanswm incwm trethadwy eich rhiant/rhieni (neu'ch rhiant a'i briod/partner/partner sifil) neu bartner/priod fel y'i datganwyd ar y cais ac a ddangosir yn y dogfennau ategol a ddarparwyd.

Nid yw'r grant Heb Brawf Modd yn cael ei asesu yn erbyn unrhyw incwm trethadwy ac mae'n grant sy'n daladwy os bodlonir yr holl feini prawf cymhwysedd eraill.

Sut ydw i'n gwneud cais am y fwrsariaeth?

Gallwch wneud cais am fwrsariaeth y GIG gan ddefnyddio'r ddolen isod cyn gynted ag y byddwch wedi cael cynnig sicr gan y Brifysgol o'ch dewis o le ac o [fewn deng wythnos](https://pcgc.gig.cymru/ein-gwasanaethau/gwasanaethau-dyfarniadau-myfyrrwyr/gwybodaeth-i-fyfirwyr/mewngofnodi-a-chwblhau-cais/) o ddechrau'r cwrs. Ni dderbynnir eich cais ar ôl y dyddiau cau yma o ddeg wythnos. Mae rhagor o wybodaeth am sut i wneud cais ar gael drwy'r ddolen ganlynol - <https://pcgc.gig.cymru/ein-gwasanaethau/gwasanaethau-dyfarniadau-myfyrrwyr/gwybodaeth-i-fyfirwyr/mewngofnodi-a-chwblhau-cais/>

Rwyf wedi cael Benthyciad Myfyriwr o'r blaen pan wnes i gwblhau cwrs ychydig flynyddoedd yn ôl, ond pe bawn i eisiau dilyn cwrs newydd, fuaswn i'n gallu gwneud cais am Fwrsariaeth GIG Cymru?

Os nad ydych chi wedi cael cyllid o'r blaen drwy Gynllun Bwrsariaeth GIG Cymru, yna byddwch yn gallu cofrestru a gwneud cais drwy'r system BOSS.

Os ydych chi wedi cwblhau cwrs GIG o'r blaen ac wedi derbyn Bwrsariaeth GIG Cymru, ni fyddwch yn gymwys a bydd angen i chi ddod o hyd i gyllid arall ar gyfer eich cwrs newydd.

Os cawsoch rywfaint o gyllid o'r blaen ond na wnaethoch gwblhau eich cwrs, efallai y byddwch yn gymwys i wneud cais am weddill y cyllid sy'n daladwy. Er enghraifft, dechreuodd myfyriwr ar ei

gwrs 1 Medi 2018 ond rhoddodd y gorau iddo ar 20 Tachwedd 2019. Derbyniodd y myfyriwr 3 mis o daliadau bwrsariaeth. Mae'r myfyriwr wedi penderfynu dechrau cwrs arall ym mis Medi 2020. Byddai angen i'r myfyriwr hunan-gyllido rhan o'i flwyddyn gyntaf a byddai ond yn gymwys ar gyfer y 9 mis ychwanegol o'r fwrsariaeth.

Ydw i'n gallu gwneud cais am gwrs sy'n cael ei gyllido gan y GIG os ydw i eisoes wedi cwblhau Gradd?

Byddwch yn gymwys ar yr amod nad ydych wedi cael cyllid o'r blaen drwy Gynllun Bwrsariaeth GIG Cymru. Mae myfyrwyr yn gymwys i gael uchafswm o 3 blynedd o gyllid gyda GIG Cymru (oni bai bod amgylchiadau arbennig yn cael eu cadarnhau gan y Brifysgol) o'r fwrsariaeth.

Os oes gennych radd eisoes a'ch bod yn ymgymryd â rhaglen cyn cofrestru e.e. Cynorthwydd Meddygon, MSc/Diploma Uwchraddedig Nyrsio, rhaglenni Diploma Uwchraddedig Dieteteg a Diploma Uwchraddedig Therapi Galwedigaethol, gallwch wneud cais am Fwrsariaeth GIG Cymru.

Ydi'r cynllun bwrsariaeth yn caniatáu i mi drosglwyddo i gwrs arall yn yr un Brifysgol?

Bydd rhaid i'r brifysgol a'r comisiynwyr gytuno ar hyn ymlaen llaw. Os yw'r cwrs newydd yn cael ei gyllido gan GIG Cymru (gweler Atodiad 1), efallai y bydd eich cyllid yn parhau. Os nad yw'r cwrs yn cael ei gyllido gan GIG Cymru neu os yw'r holl lefydd ar y cwrs a gomisiynwyd gan Lywodraeth Cymru yn llawn, cewch eich ystyried fel rhywun sydd wedi rhoi'r gorau i'ch cwrs a byddwch yn atebol i ad-dalu elfen o Gynllun Bwrsariaeth GIG Cymru. Edrychwch ar gymal 7 o Delerau ac Amodau'r Fwrsariaeth

Ydi'r cynllun bwrsariaeth yn caniatáu i mi drosglwyddo i gwrs/Prifysgol arall yn ystod fy nghwrs?

Bydd rhaid i'r brifysgol a'r comisiynwyr gytuno ar hyn ymlaen llaw. Os yw'r cwrs yn cael ei gyllido gan y GIG (gweler Atodiad 1) a chyda Phrifysgol yng Nghymru, efallai y bydd eich cyllid yn parhau. Os yw'r cwrs y tu allan i Gymru neu ddim yn cael ei gyllido gan y GIG, cewch eich ystyried fel rhywun sydd wedi rhoi'r gorau i'ch cwrs. Mae angen i chi sicrhau eich bod wedi rhoi gwybod i'r Brifysgol am eich penderfyniad i drosglwyddo. Os nad yw'r cwrs newydd yn cael ei gyllido gan y GIG, bydd y taliadau bwrsariaeth yn dod i ben. Eich cyfrifoldeb chi yw rhoi gwybod i ddyfarniadau myfyrwyr os ydych yn parhau i dderbyn taliadau bwrsariaeth ar ôl i chi orffen. Os na wnewch chi hynny, efallai y bydd yn ofynnol i chi ad-dalu unrhyw gyllid a gewch drwy gamgymeriad ar ôl y dyddiad pan fyddwch yn gorffen y rhaglen

Ydw i'n gallu newid fy meddwl ac optio allan o'r cynllun Bwrsariaeth?

Mae gennych 10 wythnos o ddechrau'r cwrs i newid eich meddwl. Dylech gysylltu â NWSSP drwy e-bostio - abm.sas@wales.nhs.uk i gadarnhau eich penderfyniad.

Ar ôl y dyddiad cau o 10 wythnos, mewn amgylchiadau arferol ni fyddwch yn gallu newid y llwybr cyllido. Fodd bynnag, mewn achosion eithriadol bydd eich cais i newid llwybr cyllido yn cael ei ystyried. Os hoffech newid y llwybr cyllido, gofynnwch i'ch prifysgol anfon e-bost at HEIW.EdCommissioning@wales.nhs.uk gyda sail resymegol yn egluro pam yr hoffech newid. Bydd unrhyw achosion o'r fath yn cael eu hystyried fesul achos a bydd AaGIC yn rhoi gwybod i chi am eu penderfyniad.

Os bydda i'n gadael y cwrs (yn sgil methu'n academiaidd, methu lleoliad, cymhwyster i ymarfer neu salwch) neu'n penderfynu gadael y cwrs cyn gorffen, a fydd yn rhaid i mi ad-dalu cyllid o Gynllun Bwrsariaeth GIG Cymru?

Na fydd, ni fyddwch yn atebol i wneud unrhyw ad-daliad. Fodd bynnag, dylech fod yn ymwybodol o'r ffaith os na fyddwch yn cwblhau eich cwrs, yna ni fyddwch yn gymwys i gael eich cofrestru i weithio fel gweithiwr gofal iechyd proffesiynol ac os ydych yn fyfyrwr blwyddyn olaf ac yn cwblhau eich cwrs yn rhywle arall byddwch yn atebol i ddychwelyd y ffioedd a gawsoch.

Os bydd angen i mi ailadrodd blwyddyn beth yw'r drefn?

Os oes gofyn i chi gwblhau blynyddoedd ychwanegol i orffen eich cwrs oherwydd methiant academiaidd, nid yw'r bwrsari yn ariannu hyn, a bydd angen i chi ddod o hyd i gyllid amgen eich hun. Mae darpariaeth i wneud cais am gymorth ychwanegol fesul achos, os nad yw'r rhesymau dros ailadrodd blwyddyn o ganlyniad i fethiant academiaidd er enghraifft, gwaeledd. Dylech wneud cais i Wasanaeth Gwobrau Myfyrwyr

Rwyf wedi tynnu'n ôl o fy nghwrs, ydw i'n atebol i ad-dalu unrhyw fwrsariaeth yn unol â Thelerau ac Amodau GIG Cymru?

O dan Delerau ac Amodau GIG Cymru, os ydych wedi tynnu'n ôl rhan o'r ffordd drwy'r cwrs, ni fyddwch yn atebol i wneud ad-daliad. Fodd bynnag, byddwch yn ymwybodol o'r canlynol:

a) drwy beidio â chwblhau eich cwrs ni fyddwch yn gymwys i gael eich cofrestru i weithio fel gweithiwr gofal iechyd proffesiynol.

b) os ydych ar eich blwyddyn olaf ac yn tynnu'n ôl ac yn cwblhau eich cwrs yn rhywle arall, yn ddiweddarach, byddwch yn atebol i ddychwelyd y ffioedd a gawsoch

Ydw i'n gallu gwneud cais am gyllid myfyrwyr a Bwrsariaeth GIG Cymru?

Os byddwch yn derbyn y fwrsariaeth, byddwch yn gallu hawlio'r benthyciad cynhaliaeth cyfradd is gan y Cwmni Benthyciadau i Fyfyrwyr ochr yn ochr â'r pecyn bwrsariaeth llawn. Nid oes gennych hawl i hawlio'r benthyciad llawn a bwrsariaeth llawn y GIG.

Ydw i'n gallu newid llwybr cyllido rhan o'r ffordd drwy fy nghwrs?

Mae hyn yn bosibl fesul achos. Os ydych am newid eich llwybr cyllido, bydd angen i'r SAU gysylltu â HEIC.EdCommissioning@wales.nhs.uk a rhoi sail resymegol i egluro pam yr ydych am newid rhan o'r ffordd drwy eu rhaglen. Yna caiff hyn ei ystyried gan AaGIC a gwneir penderfyniad. Nid yw'n bosibl newid llwybr cyllido rhan o'r ffordd drwy flwyddyn academiaidd gan y bydd y ffi dysgu yn cael ei thalu i'r SAU ar ddechrau'r flwyddyn. Os byddwch yn trosglwyddo cyllid yn ystod eich astudiaethau, mae atodlen 2 y Telerau ac Amodau yn nodi'r ad-daliad a fydd yn cronni ar gyfer blwyddyn gyntaf neu ail flwyddyn eich cwrs.

Rwyf wedi penderfynu optio allan o Gynllun Bwrsariaeth GIG Cymru ac rwyf am wneud cais am y benthyciad cynhaliaeth llawn gyda Chyllid Myfyrwyr. Mae fy Nghyllid Myfyrwyr yn dweud fy mod yn derbyn y fwrsariaeth. Beth ydw i'n ei wneud?

Mae gan fyfyrwyr 10 wythnos o ddechrau'r cwrs i optio i mewn neu allan o Gynllun Bwrsariaeth GIG Cymru – ni ellir gwneud unrhyw newidiadau ar ôl y dyddiad hwn.

Mae gennyf gwestiwn ynglŷn â Thelerau ac Amodau Bwrsariaeth GIG Cymru. Gyda phwy ydw i'n cysylltu?

Os hoffech chi drafod y Telerau a'r Amodau gallwch gysylltu â thîm bwrsariaeth AaGIC drwy ebostio HEIC.Bursary@wales.nhs.uk

Rhan 2. Recriwtio

Pa gymorth sydd ar gael i fy helpu i ddod o hyd i gyflogaeth ar ddiwedd fy nghwrs?

Bydd myfyrwyr Nyrsio, Bydwreigiaeth ac ODP yn cael eu cefnogi gan NWSSP i gael eu paru â swyddi gwag addas gan ddefnyddio proses a elwir yn symleiddio. Mae'r broses hon wedi bod ar waith ers sawl blwyddyn. Tua chwe mis cyn y byddwch yn cwblhau eich cwrs bydd tîm Symleiddio Myfyrwyr NWSSP (SSP) yn cysylltu ag AAU a gweithio gyda myfyrwyr a Byrddau Iechyd i ddechrau'r broses SSP a fydd yn sicrhau y gall pob myfyriwr ddewis eu dewisiadau ar gyfer cyflogaeth ar ôl cwblhau eu cwrs.

Yn flynyddol, bydd SSP yn gweithredu ar gyfer Meddygon Cysylltiol a bydd yn cael ei adolygu ar ddiwedd pob blwyddyn academiaidd i benderfynu a yw SSP yn parhau neu os oes dychweliad i recriwtio agored (gweler isod)

Recriwtio agored

Mae Byrddau Iechyd ac Ymddiriedolaethau yn penderfynu ar eu hanghenion gwasanaeth drwy gynlluniau'r gweithlu fel y gallant recriwtio i sicrhau gwasanaethau hyfyw, diogel, ac effeithiol yn eu bröydd. Bydd Byrddau ac Ymddiriedolaethau Iechyd yn gosod eu swyddi ar wefan y GIG (Trac) yn barhaus. Dylai myfyrwyr AHP a Bwrsariaeth HCS ddod o hyd i swyddi drwy agor cyfrif ar wefan y GIG a dilyn y cyfarwyddiadau a'r broses ymgeisio yn yr hysbysebion

Mae Byrddau Iechyd yn cynnal ffeiriau recriwtio a swyddi i hysbysu graddedigion newydd o'r cyfleoedd yn eu sefydliad. Mae mynychu'r digwyddiadau hyn yn ffordd dda i fyfyrwyr ddysgu mwy am swyddi posibl ac i gwrdd â rheolwyr gwasanaeth. Mae gan wefannau'r GIG wybodaeth am swyddi gwag ac maen nhw'n dal manylion cyswllt ar gyfer dilyn unrhyw swyddi o ddiddordeb.

Ffyrdd eraill o ddod o hyd i swyddi

Gall myfyrwyr bwrsariaeth weithio y tu allan i'r GIG ar yr amod eu bod yn gweithio yng Nghymru, yn y proffesiwn eu bod wedi hyfforddi ar ei gyfer ac yn gweithio o leiaf 22.5 awr yr wythnos. Mae gan awdurdodau lleol a chyflogwyr eraill sydd ddim yn rhan o'r GIG wefannau lle mae swyddi'n cael eu hysbysebu. Os yw myfyriwr bwrsariaeth yn dilyn y llwybr hwn ar gyfer cyflogaeth, mae'n ddoeth gwirio gyda thîm bwrsariaeth AaGIC bod y rolau'n cydymffurfio â'r T a Cs.

Mae gan AaGIC dudalen we bwrpasol ar gyfer myfyrwyr AHP a HCS i ddod o hyd i swyddi. Mae gan y porth swyddi hwn gysylltiadau uniongyrchol â sefydliadau'r GIG yng Nghymru.

Oes sicrwydd y bydda i'n cael swydd?

Nid oes sicrwydd y byddwch yn llwyddo i gael swydd, yn enwedig mewn proffesiynau lle mae galw mawr am swyddi gwag cyfyngedig. Bydd AaGIC a'i phartneriaid, gan weithio gyda Byrddau Iechyd ac Ymddiriedolaethau. Nod AaGIC a'i bartneriaid, gan weithio gyda Byrddau Iechyd ac Ymddiriedolaethau yw sicrhau bod digon o swyddi gwag ar gael ond amgylchiadau lleol fydd bob amser yn sbardun allweddol ar gyfer sicrhau bod digon o swyddi gwag yn bodoli a chynigion recriwtio yn cael eu gwneud gan y cyflogwyr gan gynnwys cytuno ar delerau ac amodau a dyddiadau cychwyn.

Ydw i'n gallu dod o hyd i swydd fy hun heb fynd drwy'r cynllun symleiddio?

Os byddwch yn derbyn Bwrsariaeth GIG Cymru cewch eich annog i edrych ar yr holl swyddi gwag sy'n addas ar gyfer graddedigion Gofal Iechyd drwy'r Cynllun Symleiddio i Fyfyrwyr ac i gymryd rhan lawn. I gael rhagor o wybodaeth am y broses hon, ewch i'r wefan isod

<https://pcgc.gig.cymru/ein-gwasanaethau/gwasanaethau-dyfarniadau-myfyrwyr/gwybodaeth-i-fyfyrwyr/mewngofnodi-a-chwblhau-cais/>

Ydi'r cynllun ar gael i bawb sy'n cwblhau eu cwrs?

Ydi. Does dim rhaid i chi fod yn derbyn y fwrsariaeth i gymryd rhan yn y cynllun symleiddio er mai trwy'r cynllun mae'r siawns orau bosibl i chi ddod o hyd i waith yn eich blwyddyn olaf o astudiaethau.

Oes rhaid i mi weithio mewn rhan benodol o Gymru?

Dydi hi ddim yn ofynnol i chi weithio mewn rhan benodol o Gymru ac fel myfyriwr graddedig newydd cewch eich annog i ddewis gwahanol rannau o Gymru i ddechrau eich gyrfa. Fe'ch cynghorir i ystyried gwahanol Fyrddau ac Ymddiriedolaethau Iechyd i gyd-fynd â'ch dyheadau, eich amgylchiadau personol a'ch cynlluniau tymor hir penodol.

Oes rhaid i mi weithio yn GIG Cymru, neu ydw i'n gallu gweithio mewn Awdurdod Lleol a sefydliadau preifat?

Fesul achos, gallwch ofyn i'ch contract, os yw y tu allan i'r GIG, fodloni gofynion contract y fwrsariaeth. Bydd angen i chi gysylltu â thîm bwrsariaeth AaGIC. Er enghraifft, mae cyflogaeth o fewn awdurdodau lleol a rhai sefydliadau elusennol os ydynt yn gweithredu yng Nghymru yn dderbyniol. Rheol gyffredinol yw bod yn rhaid sicrhau swydd yn y proffesiwn y cawsoch eich hyfforddi ar ei gyfer, gweithio yng Nghymru a gweithio am leiafswm o 22.5 awr yr wythnos. Er hyn, rydym yn disgwyl i'ch cyflogaeth fod yn llawn amser. Rydym yn eich cynghori'n gryf i wirio gyda thîm bwrsari AaGIC os ydych chi'n ystyried dechrau neu symud i rôl nad yw'n GIG cyn gwneud unrhyw benderfyniad.

Beth sy'n digwydd os nad ydw i'n gallu dod o hyd i waith ar ôl y cynllun symleiddio?

Ar ôl tri mis o gwblhau eich cwrs neu'n gynt os oes gennych bryderon gwirioneddol ac rydych wedi cael tri gwrthodiad ar gais i swyddi addas gallwch gysylltu â thîm bwrsariaeth AaGIC i drafod eich amgylchiadau a chwblhau Adolygiad . Os yw eich cwrs yn defnyddio SSP i'ch helpu i ddod o hyd i swyddi bydd disgwyl i chi ddefnyddio'r broses hon ac os ydych yn parhau heb gynnig cadarn, gallwch gwblhau Adolygiad. Cysylltwch â HEIW.bursary@wales.nhs.uk . Fel rhan o'r broses Adolygu, gofynnir i dîm yr SSP gadarnhau eich bod wedi cymryd rhan lawn yn y broses SSP ac yn aflwyddiannus wrth gael eich paru â chynnig swydd.

Os bydda i'n cael fy rhyddhau ac yn cael swydd yng Nghymru yn y dyfodol, a fydd yr ymrwymiad yn dal i fod yn berthnasol?

Ar ôl i chi gael chi gael eich rhyddhau, does dim disgwyl i chi ddychwelyd i Gymru, ond os bydd swyddi addas ar gael, ar ôl hyfforddi yng Nghymru, efallai y byddwch yn ystyried dychwelyd. Os felly, fyddwch chi ddim yn gorfod ymrwymo i'r fwrsariaeth.

Pryd fydda i'n gwybod pan fydd fy ymrwymiad i'r Fwrsariaeth yn dod i ben?

Os ydych chi wedi dod o hyd i waith yng Nghymru, bydd y tîm bwrsariaeth yn cysylltu â chi i roi gwybod i chi pryd fydd eich ymrwymiad i'r telerau ac amodau yn dechrau ac yn dod i ben. Cyfrifir hyn yn dibynnu ar y cwrs yr ydych chi wedi'i gwblhau a dyddiad dechrau eich cyflogaeth. Cyn hyn gofynnir i chi lenwi holiadur ymadael, ac ar ôl ei dderbyn byddwch yn derbyn llythyr cadarnhau.

Rhan tri. Cydymffurfio â Thelerau ac Amodau'r Fwrsariaeth

Fe'ch cynghorir i gysylltu â thîm bwrsariaeth AaGIC os oes gennych unrhyw amheuan am eich gallu i gydymffurfio â thelerau ac amodau'r cynllun bwrsariaeth.

Os bydda i'n newid cyflogaeth yng Nghymru yn ystod y 2 flynedd gyntaf a oes gan hyn unrhyw oblygiadau?

Cyn belled â'i fod yn gyflogaeth addas ac yn parhau i fod wedi'i leoli yng Nghymru yn y proffesiwn yr ydych chi wedi cael eich hyfforddi ar ei gyfer ac am gyfartaledd (a all gynnwys mwy nag un rôl Cyflogaeth Addas) o 22.5 awr yr wythnos, mae eich ymrwymiad i delerau ac amodau'r fwrsariaeth yn aros yr un fath. Bydd angen i chi roi gwybod i dîm bwrsariaeth AaGIC a fydd yn diweddarau eu cofnodion i gadw mewn cysylltiad â chi ac os bydd bwch o ran cyflogaeth, bydd angen addasu eich dyddiad cwblhau terfynol.

Os bydda i'n sâl ac yn methu â gweithio yn ystod y 2 flynedd gyntaf ar ôl graddio beth yw'r goblygiadau i mi?

Bydd angen i chi ofyn am adolygiad o'ch achos gan ddefnyddio ffurflen Gais am Adolygiad AaGIC y gellir ei lawrlwytho o wefan AaGIC. <https://aagic.gig.cymru/addysg-a-hyfforddiant/addysg-israddedig-ar-gyfer-gweithwyr-iechyd-proffesiynol/bwrsariaeth-y-gig/> Y cam cyntaf fydd asesu pa

gymorth os o gwbl, rydych wedi'i gael gan eich cyflogwr neu feddyg teulu i'ch helpu i barhau i weithio ac i wella eich iechyd corfforol a/neu feddyliol

Os oes gennych gyfrifoldebau gofalu sy'n fy atal rhag gweithio yng Nghymru, beth ddylwn i ei wneud?

Os yw eich dyletswyddau gofalu wedi cynyddu neu newid ers derbyn y fwrariaeth, gall hyn ei gwneud yn anodd derbyn swydd neu barhau i weithio yng Nghymru. Os yw hyn yn wir neu os oes gennych gyfrifoldebau gofalu newydd neu gynyddol ers i chi raddio, yna gallwch wneud cais am Adolygiad o'ch amgylchiadau i ystyried y camau nesaf. Os oes gennych unrhyw amheuaeth, gwiriwch gyda thîm bwrsari AaGIC.

Rhan pedwar. Sut i wneud cais am Adolygiad o'ch amgylchiadau

Gallwch ofyn am Adolygiad o'ch amgylchiadau ar ôl cwblhau eich cwrs. Mae sawl canlyniad yn bosibl yn dilyn yr Adolygiad.

- efallai y cewch eich rhyddhau o'ch rhwymedigaethau cytundebol,
- efallai y byddwch yn cael estyniad a chefnogaeth i ddod o hyd i waith; neu
- efallai y bydd yn ofynnol i chi ad-dalu costau ffioedd dysgu'r cynllun bwrsariaeth. Os felly, ni fydd yn ofynnol i chi ad-dalu costau teithio, llety ychwanegol, costau gofal plant, lwfans myfyrwyr anabl, lwfans dibynyddion, a lwfans dysgu i rieni.

Bydd AaGIC yn ystyried eich rhyddhau o'r ymrwymiad fesul achos. Dyma'r amgylchiadau a allai fod yn briodol:

- dim digon o swyddi addas ar gael yng Nghymru o fewn 3 mis i gwblhau eich cwrs
- eich bod wedi cymryd rhan lawn yn y broses recriwtio a drefnwyd gan AaGIC a NWSSP ar gyfer eich proffesiwn ond heb gael swydd (bydd NWSSP yn rhannu gwybodaeth recriwtio y cynllun symleiddio gydag AaGIC)
- eich bod yn methu ag ymgymryd â swydd yr ydych wedi'ch hyfforddi ar ei chyfer oherwydd salwch na ellir ei ddatrys na'i reoli dros gyfnod o amser i'ch galluogi i barhau i weithio neu ddechrau gweithio
- cyfrifoldebau gofalu am aelod agos o'r teulu a ddechreuodd neu a newidiodd yn ystod eich astudiaethau ac a fyddai'n cyfyngu ar eich gallu i barhau i weithio neu ddechrau gweithio yng Nghymru.

Os credwch eich bod yn bodloni unrhyw un o'r meini prawf hyn, rhaid i chi gwblhau Cais am Adolygiad.

Sut ydw i'n gofyn am Adolygiad?

Gallwch ofyn am Adolygiad drwy gael mynediad at Ffurflen Gais am Adolygiad. Mae ar gael yn <https://aaigic.gig.cymru/addysg-a-hyfforddiant/addysg-israddedig-ar-gyfer-gweithwyr-iechyd-proffesiynol/bwrsariaeth-y-gig/>. Mae AaGIC yn ymrwmo i gwblhau'r Adolygiad hwn o fewn 28 diwrnod ar ôl derbyn digon o wybodaeth i gwblhau'r Adolygiad. Cewch wybod yn ysgrifenedig am ganlyniad yr Adolygiad.

Beth os nad wyf yn cytuno â chanlyniad yr Adolygiad?

Os nad ydych yn cytuno, gallwch ofyn am apêl o benderfyniad yr Adolygiad. Gellir cael gwybodaeth am y polisi Apêl, canllawiau ar sut i Apelio a'r ffurflen Gwneud Cais am Apêl <https://aagic.gig.cymru/addysg-a-hyfforddiant/addysg-israddedig-ar-gyfer-gweithwyr-iechyd-proffesiynol/bwrsariaeth-y-gig/>. Mae AaGIC yn gweithredu proses Apelio sy'n cyd-fynd â phroses apelio eraill o fewn AaGIC.

Beth yw'r broses os bydd angen i mi ad-dalu elfen o'r fwrariaeth?

Os oes angen i chi ad-dalu rhan o'ch bwrsariaeth neu'r fwrariaeth gyfan, gallwch wneud hynny drwy gysylltu â thîm bwrsariaeth AaGIC ar HEIW.bursary@wales.nhs.uk Mae manylion yn atodiad 2

<u>CWRS</u>	<u>MATH A HYD</u>	<u>DARPARWR PRESENNOL</u>
PROFFESIYNAU PERTHYNOL IECHYD		
Dieteg	BSc – Llawn amser	Prifysgol Fetropolitan Caerdydd Prifysgol Wrecsam
	Dip PG – Llawn amser	Prifysgol Fetropolitan Caerdydd
Therapi Galwedigaethol	BSc – Llawn amser	Prifysgol Caerdydd Prifysgol Wrecsam Prifysgol Abertawe
	BSc – Rhan amser	Prifysgol Wrecsam Prifysgol Abertawe Prifysgol De Cymru
	Dip PG/MSc – Llawn amser	Prifysgol Caerdydd
Gwyddor Barafeddygol	BSc – Llawn amser	Prifysgol Wrecsam Prifysgol Abertawe
Ffisiotherapi	BSc – Llawn amser	Prifysgol Caerdydd Prifysgol Wrecsam
	BSc – Rhan amser	Prifysgol De Cymru
	Dip PG/MSc – Llawn amser	Prifysgol Bangor Prifysgol Caerdydd
Podiatreg	BSc – Llawn amser	Prifysgol Fetropolitan Caerdydd
Therapi Iaith a Lleferydd	BSc – Llawn amser	Prifysgol Fetropolitan Caerdydd Prifysgol Wrecsam
GWYDDONIAETH GOFAL IECHYD: PTP		
Awdioleg	BSc – Llawn amser	Prifysgol Abertawe
Ffisioleg Gardiaidd	BSc – Llawn amser	Prifysgol Abertawe
Peirianeg Glinigol (Adsefydlu a Pheirianeg Feddygol)	BSc – Llawn amser	Prifysgol Abertawe
Radiograffeg Ddiagnostig	BSc – Llawn amser	Prifysgol Bangor Prifysgol Caerdydd
Gwyddor Bywyd – Gwaed, Haint, Cellog a Geneteg	BSc – Llawn amser	Prifysgol Fetropolitan Caerdydd
Niwroffisioleg	BSc – Llawn amser	Prifysgol Abertawe
Meddygaeth Niwclear	BSc – Llawn amser	Prifysgol Abertawe
Ffiseg Radiotherapi	BSc – Llawn amser	Prifysgol Abertawe
Ymarfer yr Adran Weithredol	BSc – Llawn amser	Prifysgol Wrecsam Prifysgol Abertawe Prifysgol De Cymru
Radiotherapi ac Oncoleg	BSc – Llawn amser	Prifysgol Caerdydd
Gwyddor Anadlol a Chwsg	BSc – Llawn amser	Prifysgol Abertawe
NYRSIO A BYDWREIGIAETH		
Oedolion	BSc/BN – Llawn amser	Prifysgol Aberystwyth Prifysgol Bangor Prifysgol Caerdydd Prifysgol Wrecsam Prifysgol Abertawe Prifysgol De Cymru
	BSc/BN – Rhan Amser (Bwrsariaeth ran amser ar gael ond mae'r rhan fwyaf o fyfyrwyr yn gyflogedig)	Prifysgol Aberystwyth Prifysgol Bangor Prifysgol Abertawe Prifysgol De Cymru

	gan y GIG gyda chyllid ôl-lenwi cyflog)	Prifysgol Wrecsam
	MSc/PG Dip – Llawn amser	Prifysgol Caerdydd Prifysgol Wrecsam Prifysgol Abertawe Prifysgol De Cymru
Plant	BSc/BN – Llawn amser	Prifysgol Bangor Prifysgol Caerdydd Prifysgol Wrecsam Prifysgol Abertawe Prifysgol De Cymru
	MSc/PG Dip – Llawn amser	Prifysgol Caerdydd Prifysgol Wrecsam Prifysgol Abertawe Prifysgol De Cymru
Iechyd Meddwl	BSc/BN – Llawn amser	Prifysgol Aberystwyth Prifysgol Bangor Prifysgol Caerdydd Prifysgol Wrecsam Prifysgol Abertawe Prifysgol De Cymru
	BSc/BN – Rhan Amser (Bwrsariaeth ran amser ar gael ond mae'r rhan fwyaf o fyfyrwyr yn gyflogedig gan y GIG gyda chyllid ôl-lenwi cyflog)	Prifysgol Aberystwyth Prifysgol Bangor Prifysgol Abertawe Prifysgol Wrecsam
	MSc/PG Dip – Llawn amser	Prifysgol Caerdydd Prifysgol Wrecsam Prifysgol Abertawe Prifysgol De Cymru
Bydwreigiaeth	BSc/BN – Llawn amser	Prifysgol Bangor Prifysgol Caerdydd Prifysgol Abertawe Prifysgol De Cymru
Anabledd Dysgu	BSc/BN – Llawn amser	Prifysgol Bangor Prifysgol Abertawe Prifysgol De Cymru
Nyrsio Gwasgaredig	BSc – Llawn Amser (Mae rhai myfyrwyr yn cael eu cyflogi gan y GIG gyda chyllid ôl-lenwi cyflog)	Prifysgol Bangor Prifysgol Abertawe
Nyrsio o Bell	BSc – Llawn Amser	Prifysgol Bangor
ARALL		
Hylendid Deintyddol a Therapi	BSc – Llawn amser	Prifysgol Caerdydd
Hylendid Deintyddol	Tystysgrif AU – Llawn amser	Prifysgol Bangor Prifysgol Caerdydd
Meddyg Cyswllt	MSc/MPAS – Llawn amser	Prifysgol Bangor Prifysgol Abertawe

AMSERLEN AD-DALU YN UNOL Â CHYTUNDEB CYLLIDO CYNLLUN
BWRARIAETH GIG CYMRU

Swm y Cyllid sy'n ad-daladwy ***	
Cwrs 3 blynedd	Cwrs 2 flynedd

1	Cwblhau Cwrs Addysg Iechyd ond ddim yn gweithio yng Nghymru yn unol â chymalau 10.1, 10.3 a 12.1.2 o Delerau ac Amodau'r Fwrsariaeth.	£25,500	£17,000*
---	---	---------	----------

2	Gadael Cyflogaeth Addas fel y nodir yng nghymalau 10.4 a 12.1.3 Delerau ac Amodau'r Fwrsariaeth cyn gwireddu'r ymrwymiad cyflogaeth.		
	fi Wedi gadael o fewn y 6 mis cyntaf	£25,500	£17,000
	li Wedi gadael ar ôl 6 mis ond cyn cwblhau 1 flynedd o wasanaeth	£19,125	£12,750
	lii Wedi gadael ar ôl blwyddyn ond cyn cwblhau 18 mis o wasanaeth	£12,750	£8,500
	lv Wedi gadael ar ôl 18 mis ond cyn cwblhau 2 flynedd o wasanaeth	£8,500	DIM
	yn Wedi gadael ar ôl 2 flynedd o wasanaeth	DIM	DIM

3	Opsiynau trosglwyddo cyllid rhan o'r ffordd drwy'r Cwrs Addysg Iechyd fel y nodir yng nghymalau 9.2 o'r Telerau ac Amodau.		
	Yn ystod neu ar ddiwedd blwyddyn gyntaf eich Cwrs Addysg Iechyd gallwch ddewis naill ai i		
	fi a) ad-dalu'r swm o £8,500 neu	£8,500	£8,500
	b) weithio mewn Cyflogaeth Addas yng Nghymru am 8 mis ar ôl cwblhau eich Cwrs Addysg Iechyd.		
	Yn ystod neu ar ddiwedd ail Flwyddyn eich Cwrs Addysg Iechyd gallwch ddewis naill ai i		
	li a) ad-dalu'r swm o £17,000 neu	£17,000	£17,000
	b) weithio mewn Cyflogaeth Addas yng Nghymru am 18 mis ar ôl cwblhau eich Cwrs Addysg Iechyd.		